

Paano Gumawa ng Tamang Pagpapasya Yugto 8

Ipagpapatuloy natin sa mensaheng ito upang sabihin ang tungkol sa kung paanong gumawa ng tamang pagpapasya. Ating basahin ang **2 Cronica 18** at pagnilayan mula sa isang totoo pangyayari kung paanong gumawa ng tamang pagpapasya/

“1 Si Josaphat nga ay nagkaroon ng kayamanan, at dangal na sagana; at siya'y nakipagkamaganak kay Achab.” (1 Cronica 18:1 KJV) Si Haring Josaphat ay isang matuwid na hari ng Juda, at pinagpala siya ng Panginoon ng kayamanan at dangal, ngunit siya'y pumunta at nakipagkasundo sa pag aasawa sa masama kay Haring Ahab ng Israel. Iyon ay maling pagkilos at maling pasya na nagdulot sa kanya at nagdulot sa Juda ng higit na pagbabayad sa maling pagkilos. Pag aasawa sa hindi mananampalataya ay pagkawasak. **Ang pag aasawa sa hindi mananampalataya na hindi natatakot sa Dios ay pagkawasak din.** Si Ahab sa pamamagitan ng kanyang asawang si Jesebel ay nagdala ng pagsamba kay Baal sa Israel. Si Josaphat nang hinayaan niyang mag asawa ang kanyang anak sa anak na babae ni Ahab inilagay ang kanyang sarili at ang kanyang anak sa kaguluhan. Ang pagsamba kay Baal ay dumating sa Judah dahil sa pag-aasawang iyon. Mapipilitan si Josaphat na sumama sa maling mga daan na dinadaan ni Ahab at sa huli'y ipapakilala niya ang pagsamba kay Baal sa Juda. Na nagpakita ng kamangmangan ni Josaphat sa paggawa ng gayon. **Kapag biniyayaan ka ng Dios kung gayon huwag magpakamangmang at pumunta at gumawa ng masama at ipagkasundo ang iyong sarili sa maling mga tao at maling pag aasawa; hind malulugod ang Dios sa gayong mga pag uugali.**

“2 At pagkatapos ng ilang taon, kaniyang nilusong si Achab sa Samaria. At ipinagpatay siya ni Achab ng mga tupa at baka na sagana, at ang bayan na kasama niya; at inupahan siya na umahon na kasama niya sa Ramoth-galaad.” (2 Cronica 18:2 KJV) Si Josaphat ay bumaba upang galugarin ang bagong patutunguhan nila ni Haring Achab, ngunit hindi niya alam na may mga problemang naghihintay sa kanya. **Minsan ay sumusulong ka sa pag iisip na may mga pagpapalang naghihintay sa iyo sa tiyak na direksyon na binuksan mo sa pamamagitan ng iyong sariling kalooban ngunit hindi mo namamalayan at hindi mo nakikita ang mga problema sa iyong harapan.** Batay sa pag aasawang iyon, napilitang pumunta si Josaphat sa direksyon ni Achab at inilagay ang kanyang sarili sa mga problema sa pamamagitan ng pakikisama sa maling mga tao at paglalagay ng kanyang sarili sa isang maling samahan. Sinasabi ng Kasulatan, ***“siya ay umahon”***, ibig sabihin ay lumala siya. **Pananagutan mo na iwasang ilagay ang sarili sa maling mga tao at maling mga samahan o pagtitipon.** Dito'y nagkatay si Haring Achab ng tupa sa kasaganaan at maaring si Josaphat ay masaya sa gayon sa unang pagkakataon, ngunit iyon ay hindi pagpaparangal kay Josaphat at sa mga taong kasama niya kundi hilahin siya at hikayatin siyang sumama sa kanya sa labanan upang makuha ang Ramothgalaad.

“3 At sinabi ni Achab na hari sa Israel kay Josaphat na hari sa Juda, Sasama ka ba sa akin sa Ramoth-galaad? At sinagot niya siya, Ako'y gaya mo, at ang aking bayan ay gaya ng iyong bayan; at kami ay sasaiyo sa pakikipagdigma.” (2 Cronica 18:3 KJV) Narito matapos ang parangal na tinanggap ni Josaphat at matapos ipagkasundo ang kanyang sarili sa pag aasawa kay Achab, kung gayon paano siya makakatanggi na pumuta sa pakikidigma kasama niya? Nais ngayon ni Achab na gamitin si Josaphat at Juda na gawin ang kanyang sariling gagastuhan at agenda. Si Josaphat ay nabitag, kaya naman sinabi niya, ***“Ako'y gaya mo, at ang aking bayan ay gaya ng iyong bayan; at kami ay sasaiyo sa pakikipagdigma.”*** Ngunit sa katotohanan siya'y hindi masaya at batid ang pagkakaiba sa pagitan niya at ng kanyang bayan kay Achab at sa bayan niya.

“4 At sinabi ni Josaphat sa hari sa Israel, Magusisa ka ngayon, isinasamo ko sa iyo, sa salita ng PANGINOON.” (2 Cronica 18:4 KJV) Batid na ngayon ni Josaphat na siya ay bumagsak sa mga kaguluhan at ang pagpuntang iyon sa Ramothgalaad ay maling pasya, kaya siya'y nagmakaawa kay Ahab na magtanong sa Salita ng Dios na ang Banal na Espiritu ay ipadala sa kanya para ihayag sa kanya kung tama ba ang pumunta sa digmaan o hindi. *** Sa tuwing malapit na tayong gumawa ng malaki o mahalagang desisyon kailangan nating magtanong sa Salita ng Panginoon, sa gayo'y makakatiyak tayong nasa tamang panig tayo sa desisyong gagawin natin. * Kailangan din nating mani-wala na kapag nagtanong tayo sa Dios, isusugo sa atin ng Panginoon sa pamamagitan ng Banal na Espiritu ang Kanyang Salita na magtuturo sa atin kung ano ang tamang pasya na kailangan nating gawin.**

“5 Nang magkagayo'y pinisan ng hari sa Israel ang mga propeta, na apat na raang lalake, at sinabi sa kanila, Magsisiparoon ba kami sa Ramoth-galaad upang makipagbaka, o uurong ako? At sinabi nila, Umahon ka; sapagka't ibibigay ng Dios sa kamay ng hari.” (2 Cronica 18:5 KJV) Dito ay may apat na raang propeta na nakapalibot na lahat sila'y sumasang ayon sa kanya at pinayagan na pumunta sa digmaan, Pinalibutan ni Achab ang kanyang sarili ng mga taong sasang ayon sa gusto niyang gawin. Tiniyak nila sa kanya na ibibigay ng Dios ang Ramothgalaad sa kanyang kamay. **Kapag lagi mong pinapanatili ang mga taong sumasang ayon sa iyo ang sitwasyong iyon ay delikado dahil ang mga ganyang tao ay sumang ayon sa iyo kahit sa mali mong desisyon at maling pagkilos at sa mga ganyan ay babagsak ka sa mga problema.**

“6 Nguni't sinabi ni Josaphat: Wala ba ritong ibang propeta ng Panginoon, upang tayo'y makapagusisa sa kaniya?” (2 Cronica 18:6 KJV) Batid ni Josaphat na ang apat na raang propetang ito ay bulaan at hindi mga propeta ng Dios kaya naman siya ay nagtanong mula sa propeta ng Dios na magsaysay sa kanya ng kalooban ng Dios para sa araw na iyon. **Kailangan mong makilala mula kung kanino ka magtatanong sa Dios. Kung saang simbahan mo kailangan sumama at buksan ang iyong buhay, at dapat mong tanggiin ang payo ng hindi totoong mga propeta.**

“7 At sinabi ng hari sa Israel kay Josaphat, May isa pang lalake na mapaguusisaan natin sa Panginoon: nguni't kinapopootan ko siya: sapagka't kailan man ay hindi siya nanghuhula ng mabuti tungkol sa akin, kundi laging kasamaan; si Micheas nga na anak ni Imla. At sinabi ni Josaphat, Huwag magsabi ng ganyan ang hari.” (2 Cronica 18:7 KJV) Ang sagot na iyon ni Achab ay nagpapakita na hindi niya gusto si Micheas ang propeta dahil ayaw niyang sabihin sa kanya ang ayaw niyang marinig. Kaya lahat na sasalungat kay Achab ay kamumuhian niya at uusigin niya at palalasyon niya, Ganyan ang apat na daan-daang bulaang propeta na nagtipon sa paligid niya; Sumasang ayon sila sa kanya na pasayahin siya kahit mali siya para lang matanggap ang kanyang pabor at suporta. Ngunit si Micheas na anak ni Imla ay isang tunay na propeta at sasabihin niya kay Achab ang lahat ng katotohanan, kahit na malaman niya na kapopootan siya ni Achab. Sinabi ni Josaphat sa kanya na huwag sabihin na kinamumuhian niya si Micheas dahil ang sinasabi niya ay mula sa Dios at iyon ay para sa kanyang sariling kapakanan. **Kapag pinayuhan ka namin ng katotohanan iyon ay para sa iyong kapakanan at dapat mo kaming mahalin at huwag kaming kamuhian para doon. Maraming tao ang namumuhi sa akin at ayaw magbukas sa akin dahil alam nila na Sasabihin ko sa kanila na ang ginagawa nila ay hindi kalooban ng Dios.**

Huwag matukso na kamuhian ang propeta ng Dios at ang mga namumuno ng simbahan na nagbabala sa iyo na huwag gawin ang tiyak na mga bagay dahil iyon ay para sa iyong proteksyon at para sa iyong sariling kapakanan.

Batid ni Josaphat na siya ay nasa malaking sulirain ngayon dahil sa pakikisama kay Achab na hihila sa kanya upang pumasok sa isang digmaan na labag sa kalooban ng Dios. **Tingnan dito kapag alam mo ang Salita ng Dios at ang kalooban ng Diyos kailangan mong huminto at huwag pumunta at makihalubilo sa mga uri ng mga tao na magdadala ng mga problema sa iyong buhay tulad ng ipinapahayag sa atin ng Salita ng Dios, “20 Lumalakad ka na kasama ng mga pantas na tao, at ikaw ay magiging pantas; nguni't ang kasama ng mga mangmang ay mapapariwara.” (Kawikaan 13:20 KJV)** Dito ay malinaw ngayon, kung sasama ka sa mga taong hangal, ikaw ay magdurusa rin katulad nila.

“8 Nang magkagayo'y tumawag ang hari sa Israel ng isang pinuno, at kaniyang sinabi, Dalhin mo ritong madali si Micheas na anak ni Imla.” (2 Cronica 18:8 KJV) Sa wakas ang Dios ay gumawa ng paraan na ang kanyang totoong propeta ay dumating sa itaas upan dalhin ang Salita Niya at ang kalooban Niya at sa gayon ay kung paano Niya dalhin ang Kanyang awa maging sa masasama na tumangging sundin ang Kanyang Salita at ang Kanyang kalooban at sumunod sa Kanyang mga landas. Sinabi nita sa kanyang tauhan, **“Dalhin mo ritong madali si Micheas na anak ni Imla.”** Hindi dahil siya ay sabik na marinig ang katotohanan kundi ipakita lamang kay Josaphat na binibigyan niya ang lahat ng propeta na magsalita. Tingnan kung paanong ang totoong propeta ng Dios ay nagdusa nang siya'y tinanggihan at inusig ng hari.

“9 Ang hari nga ng Israel at si Josaphat na hari sa Juda, ay nakaupo bawa't isa sa kanikaniyang luklukan na nakapanamit hari, at sila'y nakaupo sa isang hayag na dako sa pasukan ng pintuang-bayan ng Samaria; at ang lahat na propeta ay nanganghula sa harap nila.” (2 Cronica 18:9 KJV) Iyan ang nangyayari ngayon sa karamihan ng mga simbahan, malaking bilang ng mga tao ang nagtipon at ihahalal at ang karamihan ay mananalo. Ngunit ang karamihan kadalasan ay mali tulad ng nakikita natin dito sa mga malalaking pagtitipon na ito ng mga propeta na nagpopropesiya ng mga kasinungalingan kay Haring Achab na may kinalaman sa kalooban ng Dios.

“10 At si Sedechias na anak ni Chenaana ay gumawa ng mga sungay na bakal, at kaniyang sinabi, Ganito ang sabi ng Panginoon, Sa pamamagitan ng mga ito ay iyong itutulak ang mga taga Siria, hanggang sa mangalipol.” (2 Cronica 18:10 KJV) Ang taong iyon, **“si Sedechias na anak ni Chenaana”** ay tulad ng mga magagaling nagsasalita ngayon, na ngsasalita sa mga tao gamit ang emosyon na may paglalarawan at makinis na pananalita at tulang salita upang kumbinsihin ang karamihan ng tao sa pamamagitan ng mga maling pangako at kasinungalingan na ibig nilang marinig at makita.

“11 At lahat na propeta ay nanganghulang gayon, na sinasabi, Umahon ka sa Ramoth-galaad, at guminhawa ka: sapagka't ibibigay ng Panginoon sa kamay ng hari.” (2 Cronica 18:11 KJV) Sila'y nagpurihan sa isa't isa, kaya ang hari ay nasiyahan at kapalit nito ay paparangalan niya sila ng pagkain, pananamit, pera at materyal na mga bagay. Iyan ay kawalang-katapatan at paggamit ng ministeryo para mabuhay, dahil ang mga propetang iyon ay hindi tapat sa harapan ng Dios.

“12 At ang sugo na yumaong tumawag kay Micheas ay nagsalita sa kaniya na sinasabi, Narito, ang mga salita ng mga propeta ay nagsaysay ng mabuti sa hari na magkakaisa: isinasamo ko nga sa iyo na ang iyong salita ay maging gaya ng isa sa kanila, at magsalita ka ng mabuti.” (2 Cronica 18:12 KJV) Narito ngayon kung paano nila tinipon ang mga taong may katulad na pag-iisip; Yaong mga nagkunsinti at nakipagkompromiso sa kanila ay idadagdag at iimbitahan sila sa kanilang samahan. Pinayuhan ng sugo si propeta Micheas na sumama sa karamihan ng tao upang mapasaya ang hari at hayaang maging maayos ang lahat ng bagay. Naghahanap sila ng kasunduan kahit labag ito sa kalooban ng Dios. Iyan ang tinatawag nilang sa tiyak na panahon ngayon bilang pagkakaisa upang pagtakpan ang katiwaliang nangyayari sa mga simbahan. Sinabi niya sa kanya ***“magsalita ka ng mabuti”***, hindi tungkol sa pagsasalita ng kalooban ng Dios, kundi upang magsalita ng isang bagay na sumasang ayon sa lahat ng apat na daang propeta, kahit na ito’y labag sa kalooban ng Dios, para lamang mapasaya ang masamang si Achab.

“13 At sinabi ni Micheas, Buhay ang Panginoon, kung ano ang sabihin ng aking Dios, yaon ang aking sasalitain.” (2 Cronica 18:13 KJV) Dito muling ibinalik ng propeta ang kanyang sarili na sasabihin lamang niya ang nais ng Panginoon na sabihin niya. Napakasakit basahin kung paano sila nakikipag usap sa propeta ng Dios upang hikayatin siyang huwag magsalita ng katotohanan na nais ng Dios na ipahayag niya. Akma sa kanila ang Salita ng Dios: ***“10 Na nagsasabi sa mga taqakita, Huwag kayong kumita; at sa mga propeta, Huwag kayong manghula sa amin ng mga matuwid na bagay, magsalita kayo sa amin ng mga malubay na bagay, manghula kayo ng mga magdarayang bagay:” (Isaias 30:10 KJV)*** Ang gayong uri ng mga tao ay walang alam na inilalagay nila ang kanilang sarili sa malaking kaguluhan sa pagtanggì na tanggapin ang sinasabi ng Dios sa kanila.

“14 At nang siya’y dumating sa hari, sinabi ng hari sa kaniya, Micheas, magsisiyaon ba kami sa Ramoth-galaad upang makipagbaka, o uurong ako? At sinabi niya, Magsiyaon kayo at magsiginhawa nawa; at sila’y mangabibigay sa inyong kamay.” (2 Cronica 30:10 KJV) Tinuya ni Micheas ang hari nang sinabi niya sa kanya, ***“Magsiyaon kayo at magsiginhawa nawa; at sila’y mangabibigay sa inyong kamay.”*** dahil alam niya na hindi siya maniniwala sa salita niya na isinaysa niya sa kanya. Iyon din ay isang pagsaway kay Haring Achab na paulit ulit na tumangging makinig sa Salita ng Dios. ***Ipinahihiwatig din iyon ng masamang karanasan ni Micheas kay Achab at paulit-ulit siyang tinanggihan ni Achab na makinig sa payo ng Dios na isinugo Niya siya sa pamamagitan ni Micheas. Dakila ang pag ibig ng Dios, kahit sa mga taong ayaw makinig, patuloy na ibibigay sa kanila ng Panginoon ang Kanyang Salita at tuturuan sila marahil ay magsisisi sila. Tayo bilang isang simbahan at responsableng mga pinuno kailangan nating patuloy na ibigay ang Salita ng Dios sa mga tao kahit na kinamumuhian nila tayo at kahit na sila ay nakakapinsala sa atin. Hangga’t kaya nating ibigay ang Salita ng Dios kung gayon ay kailangan nating ibigay ito sa kanila.***

“15 At sinabi ng hari sa kaniya: Makailang ipasusumpa ko sa iyo na ikaw ay huwag magsalita ng anoman sa akin kundi katotohanan sa pangalan ng Panginoon?” (2 Cronica 18:15 KJV) Dito ang Hari ay nagkukunwari sa harapan ng kanyang panauhin na si Haring Josaphat na siyang naghahanap ng katotohanan at humiling kay Micheas na sabihin sa kanya ang totoo. Tila sinasabi niya, Nakikita mo kung paanong Ako’y mapagkumbabang tao at naghahanap para sa katotohanan.

“16 At kaniyang sinabi, Aking nakita ang buong Israel na nangangalat sa mga bundok, na gaya ng mga tupa na walang pastor: at sinabi ng Panginoon, Ang mga ito’y walang panginoon; umuwing payapa ang baw’t lalake sa kaniyang bayan.” (2 Cronica 18:16 KJV) Dito ipinahagay ni Micheas ang katotohanan at ang patunay na magaganap. 1. Ang Israel ay mangangalat sa kabundukan. 2. Sila’y mga tupang walang pastor. Ibig sabihin hindi si Achab ang taong nag aalaga ng tupa. Tupa na walang pastor ito ay nangangahulugan na siya ay mamamatay sa labanan at ang mga tao ay makatakas mula sa labanan at bumalik sa kanilang mga bahay. 3. Isang babalang mensahe kay Haring Josaphat na nakaupo siya kasama ang mga taong masama na parurusahan ng Dios, at siya ay magkakaproblema kung magpapatuloy siya sa bagay na iyon.

“17 At sinabi ng hari sa Israel kay Josaphat, Di ba isinaysay ko sa iyo na siya’y hindi manghuhula ng mabuti tungkol sa akin, kundi kasamaan?” (2 Cronica 18:17 KJV) Hiniling niya ang katotohanan ngunit nais pa rin ni Ahab na marinig ang nais niyang marinig. Nais ni Haring Ahab na tumanggap ng mga opinayon na aalay sa nais niyang gawin at hindi sa inihayag ng kalooban ng Dios. Nagrerekلامo si Ahab kay Josaphat tungkol sa sinabi ni Micheas sa kanya, at inilalarawan ito bilang isang bagay na hindi mabuti kundi masama. Pinagbibintangan niya ang propeta ng Dios. Nakita ko na ang gayong uri ng mga tao nang harapin ko sila ng katotohanan ng Dios nagalit sila sa akin at sinimulan nila akong akusahan ng iba na isinumpa ko sila iniisip na nasa kamay ko ang magbigay sa kanila ng mensahe na gusto nila. Si propeta Micheas ay inakusahan ni Ahab na siya ay nagpopropesiya ng kasamaan laban sa kanya, iniisip na si Micheas ay maaaring matukoy kung ano ang maaari niyang sabihin sa kanya, nakakalimutan na ang tunay na propeta ng Dios ay hindi maaaring baguhin ang mensahe na ipapadala ng Dios sa Kanyang simbahan at sa Kanyang bayan. Kung ang simbahan at ang bayan ng Dios ay nagkakasala kung gayon ang Dios ay magpapadala ng isang babalang mensahe na nagpapahayag ng

kasamaang magaganap kung ang simbahan o ang bayan ng Dios ay hindi magpipigil sa paggawa ng kanilang sariling kalooban.

Ngayon sa mensaheng ito ng Dios ipinapadala Niya sa iyo ang babala upang pigilan ka mula sa paggawa ng iyong sariling kagustuhan at plano. Makinig sa mensahe, magpakumbaba sa harap ng Salita ng Dios at magsisi at maging handang makinig sa mga utos ng namumuno ng simbahan at sa mga inilagay ng Dios upang gabayan ka sa mga daan ng Dios. Iwasan ang iyong maling mga gawain upang ikaw ay mapangalagaan mula sa mga problema. Makinig at huwag tanggihan ang mga tagubilin ng Salita ng Dios para sa iyong sariling kapakanan.

Ipinagtanggol ni Micheas dito ang kanyang sarili sa pagsagot sa akusasyon na sinasabi ni Achab kay Josapahat, na kinakailangang sabihin ni Achab ang iba pang detalye tungkol sa tinanggap niya mula sa Panginoon. **“18 At sinabi ni Micheas, Kaya't dinggin ninyo ang salita ng Panginoon: Aking nakita ang Panginoon na nakaupo sa kaniyang luklukan, at ang buong hukbo ng langit na nakatayo sa kaniyang kanan at sa kaniyang kaliwa.”** (2 Cronica 18:18 KJV) Narito isinasay ni Micheas na nakikita niya ang Panginoon sa Langit na nakaupo sa Kanyang luklukan at ang hukbo ng Langit ay nakatayo sa palibot Niya. Isinasaysay ni Micheas kay Achab na siya ay totoong propeta ng Dios at ang sinabi niya ay tinatanggap mula sa Dios. Kaya patuloy pang sinabi ni Micheas ang iba pang detalyeng nakita niya at narinig mula sa Panginoon. **“19 At sinabi ng Panginoon, Sinong dadaya kay Achab na hari sa Israel, upang siya'y umahon at mabuwal sa Ramoth-galaad? At ang isa'y nagsalita na nagsabi ng ayon sa ganitong paraan, at ang iba'y nagsabi ayon sa gayong paraan, 20 At lumabas ang isang espiritu, at tumayo sa harap ng Panginoon, at nagsabi, Aking dadayain siya. At sinabi ng Panginoon sa kaniya, Sa ano? 21 At kaniyang sinabi, Ako'y lalabas, at ako'y magiging magdarayang espiritu sa bibig ng lahat niyang mga propeta. At kaniyang sinabi, Iyong dadayain siya, at mananaig ka rin: lumabas ka, at gawin mong gayon. 22 Ngayon nga, narito, inilagay ng Panginoon ang magdarayang espiritu sa bibig ng iyong mga propetang ito; ang Panginoon ay nagsalita ng kasamaan tungkol sa iyo.”** (2 Cronica 18:19-22 KJV) Naroon si Micheas na may diwa ng propesiya sa presensya ng Panginoon. Kaya't ipinaliwanag niya kay Achab, na hindi masaya ang Dios sa kanya at naghahanap siya ng isang taong aakit sa kanya na makipagdigma sa Ramothgalaad at masawi. Sa wakas ay dumating ang isang espiritu at handang akitin siya sa pamamagitan ng paglalagay ng isang nagsisinungaling na espiritu sa bibig ng kanyang mga propeta, at sinang ayunan iyon ng Panginoon, na inilagay ang isang nagsisinungaling na espiritu sa bibig ng mga propeta ni Achab at ng kanyang mga tagapayo dahil hinahanap ni Achab ang mga taong iyon na sasamahan siya kahit na nagsasabi sila ng kasinungalingan sa kanya. Malinaw na ipinahayag ni Micheas kay Achab ang gayong katotohanan na hinayaan ng Dios ang kanyang mga propeta na magsabi sa kanya ng kasinungalingan at nagsalita ng masama ang Panginoon laban sa kanya.

Maari mong tanungin Paanong hinayaan ng Dios ang sinungaling na espiritu na mapasa bibig ng mga tao na hayaan ang iba na gumawa ng maling pasya at magdulot sa kanila ng mga kaguluhan? Paanong ipinahintulot ng Dios sa Kanyang bayan na mangalat nang walang tupa at nagdulot sa kanila ng mga kaguluhan? **Hinayaan iyon ng Dios dahil ang 400 propeta ay mula sa Kanyang bayan na nakakaalam ng katotohanan ngunit nagpasyang pasayahin si Achab. Ipinahintulot iyon ng Dios dahil nais ng mga taoang gayon. Kinamumuhian nila ang katotohanan at kinamumuhian nila ang mga taong nagsasabi sa kanila ng katotohanan, samakatuwid ang naiwan para sa kanila ay ang makinig sa mga kasinungalingan at maling payo na magdadala sa kanila sa pagkawasak.**

Sinasabi sa atin ng Salita ng Dios ang mga sumusunod: **“22 Kung saan walang payo ay nagugulo ang mga panukala: ngunit't sa karamihan ng mga tagapayo ay nangatatag.”** (Kawikaan 15:22 KJV) n Ngunit kailangan nating piliin ang tamang mga tao na kailangan nating ilagay ang ating sarili, upang matanggap natin ang tamang payo at upang maiwasan ang paglalagay ng ating sarili sa mga problema. Marami ang ayaw nilang lumapit at humingi ng payo dahil ayaw nilang marinig na ang kanilang mga plano ay hindi galing sa Dios. Binubuksan nila ang kanilang buhay sa kanilang mga kaibigan, kasamahan sa trabaho, at sa mga di mananampalataya para lang maiwasan ang pagsaway ng namumuno ng simbahan na nagsasabi sa kanila ng totoo at nagpapayo sa kanila para sa kanilang sariling kapakanan upang maiwasan ang gulo. Ngunit anong uri ng payo ang matatanggap nila? Kasinungalingan lamang ang tatanggapin nila. Ang sinabi at ipinropesiya ni Micheas ay isang tunay na mensahe ng babala kay Achab ngunit tumanggi siyang magsisi sa kabila ng lahat ng detalyeng ibinigay sa kanya.

“23 Nang magkagayo'y lumapit si Sedechias na anak ni Chenaana, at sinampal si Micheas, at nagsabi, Saan nagdaan ang Espiritu ng Panginoon na mula sa akin upang magsalita sa iyo?” (2 Cronica 18:23 KJV) Ang propesiya ni Micheas ay nag apoy sa iba ng mga bulaang propeta na magalit laban sa kanya. Tunay ngang ang kanyang ipinropesiya ay isang sampal sa mukha hindi lamang kay Achab kundi sa mga bulaang propeta na kasama niya; ang mga iyon ay gumagawa ng kabuhatan sa pagsasabi ng kasinungalingan kay Achab. Hinampas sa pisngi si Micheas dahil sa katotohanang sinabi niya. Ito ay mangyayari sa atin kapag ipinahayag natin ang katotohanan sa mga taong galit na marinig ang katotohanan na sumasalungat sa kanilang mga plano at kanilang mga hilig. Ngunit kailangan nating tiisin ang gayon bilang nagagalak tayong maglingkod sa Panginoon at gawin ang Kanyang kalooban.

“24 At sinabi ni Micheas, Narito, iyong makikita sa araw na yaon, pagka ikaw ay papasok sa pinakaloob na silid upang magkubli.” (2 Cronica 18:24 KJV) Hinulaan ni Micheas sa mukha ni Sideceas anak ni Chenaan ang gagawn ng Panginoon sa kanya, na ang kanyang payo ay magagapi at ang pagsisinungaling niya ay malalantad, at siya’y susundan ng kahihyan at siya’y tatakbo upang itago ang kanyang sarili sa loob ng silid alinman pagtakbo sa kanyang buhay o pagtatago mula sa kahihyan sa maling payo na ibinigay niya kay Achab.

“25 At sinabi ng hari sa Israel, Dalhin ninyo si Micheas, at ibalik ninyo siya kay Amon na tagapamahala ng bayan, at kay Joas na anak ng hari; 26 At sabihin ninyo, Ganito ang sabi ng hari, Ilagay ang taong ito sa bilangguan, at pakanin siya ng tinapay ng kadalambahatian at ng tubig ng kadalambahatian hanggang sa ako’y bumalik na payapa. ” (2 Cronica 18:25-26 KJV) Ganito ituring ang totoong propetaa gaya ni Juan Baustista, at gaya ni Pablo sa pagpapabilanggo, pagtangi sa kanilang mga karapatan at pagbibigay sa kanila ng masamang pagtrato sa anyo ng tinapay at tubig ng kadalambahatian, Iyon ang ginawang parusa kay Micheas para sa pagsasabi niya ng katotohanan, pati na rin upang pilitin siyang yumuko sa panggigipit nilang mga kahilingan upang makipagsabwatan sa kanila at sang ayunan sila sa kagustuhan nilang gawin. **Kailangan nating magtiis sa panahong ito. Maaring gipitin tayo ng mga tao at ng mga kasapi ng simbahan at manggagawa na manggigipit sa atin, usigin tayo, at mag aklas sa atin upang yumukod tayo upang sang ayunan ang kanilang gusto.** Pinagdaanan ko na ang gayong karanasan nang hindi ko sinang ayunan ang mga tao sa kanilang maling plano, magsisimula silang lumaban, umalis sila sa simbahan at ipagkait ang kanilang ambag sa pananalapi sa ministerio, hahatak din sila ng iba at tuturuan silang gawin din ang pagsisikap na gipitin ako sa pag iisip na ako’y yuyuko sa kanila. Subalit tiniis ko ang lahat ng pagdurusa; ang pag iisa, ang tinapay at ang tubig ng pagdurusa, at hindi ako yumuko sa gayong masasamang gumagawa, at ginagantimpalaan ako ng Panginoon sa pagsuporta sa akin at sa pagbabantay sa lahat ng Kanyang Salita na ibinigay Niya sa akin at natupad ang mga ito, at ako ay patuloy na nagsasabi sa kanila na tutuparin ng Panginoon ang lahat ng Kanyang Salita na Kanyang sinabi sa pamamagitan ko, tulad ng iginiit ni Micheas na inulit sa kanila ang mismong Salita na sinabi ng Dios sa pamamagitan niya sa kanila na ang lahat ay matutupad tulad ng ipinahayag niya kay Achab na hindi siya uuwi nang ligtas. **“27 At sinabi ni Micheas, Kung ikaw ay bumalik sa anomang paraan na payapa, ang Panginoon ay hindi nagsalita sa pamamagitan ko. At kaniyang sinabi, Dinggin ninyo, ninyong mga bayan, ninyong lahat.” (2 Cronica 18:27 KJV)** Sinabi ko na at patuloy kong sasabihin sa mga naghimagsik laban sa Salita ng Dios at sa Kanyang konseho na sila’y magtatapos sa impierno kung hindi sila magsisisi.

“28 Sa gayo’y ang hari sa Israel at si Josaphat na hari sa Juda ay nagsiahon sa Ramoth-galaad.” (2 Cronica 18:28 KJV) Mga taong matitigas ang ulo hindi nila pakikinggan at ang kanilang mga kasalanan ang magiging parusa nila. Hindi nakinig si Achab at nahihya si Josaphat na iwan si Achab kaya sumama ito sa kanya. **Maling tao at maling pangkat dapat mong gawin ang lahat ng iyong makakaya upang lumayo sa kanila at upang maiwasan ang mga ito, sapagkat ito ang inaasahan ng Dios mula sa iyo na gawin.** Inaasahan ng Dios mula kay Josaphat na lalayo siya kay Achab lalo na matapos niyang marinig ang detalyadong propesiya ni Micheas, ngunit hindi siya lumayo kay Achab dahil siya ay nasa tunay na pagkaalipin at alipin nito. **Mag ingat at matuto mula sa aral at palayain ang iyong sarili mula sa gayong pamatok sa mga nakakapinsalang tao na magliligaw sa iyo at ilagay ka sa wakas sa mga problema.**

“29 At sinabi ng hari sa Israel kay Josaphat, Ako’y magpapakunwaring iba, at paroroon ako sa pagbabaka; nguni’t ikaw ay magbalabal ng iyong mga balabal hari. Sa gayo’y ang hari ng Israel ay nagpapakunwaring iba; at sila’y nagsiparoon sa pagbabaka.” (2 Cronica 18:29 KJV) Ang gayong mga tao gagamitin ka nila upang tulungan sila at ilalagay ka nila sa mga kaguluhan. Makikita mo dito si Achab ay ginagamit si Josaphat upang protektahan ang kanyang sarili mula sa kaaway at kung paanong ang kanyang agmungkahi ay naglagay kay Josaphat sa mga kaguluhan. Alam ni Ahab na siya’y hahanapin ng mga Siriano upang patayin siya, kaya naman siya’y lumapit upang gawin ang mga tulad upang itago ang kanyang sarili mula sa kamatayan, Pati na rin si Achab ay maaaring talagang natakot tungkol sa propesiya ng Micheas na ang Dios ay dahil sa kanya at yaon ay hindi siya babalik ligtas.

“30 Ang hari nga sa Siria ay nagutos sa mga pinunong kawal ng kaniyang mga karo, na sinasabi, Huwag kayong magsilaban kahit sa maliit o sa malaki man, liban lamang sa hari sa Israel.” (2 Cronica 18:30 KJV) Tunay, iyon ang nasa isip ng Siriano, pinupuntirya nila si Achab upang patayin siya, at iyon ang sinabi ni Micheas kay Ahab na sinabi ng Dios ang masama laban sa kanya. Ang plano ng mga Siriano ay upang tuparin din ang Salita ng Dios, na mamatay si Haring Ahab sa labanan, at ang hukbo ay mangangalat gaya ng tupa na walang pastol. Iniisip ni Achab na maiwasan niya ng paghatol ng Dios at iwasan ang kanyang kamatayan sa labanan sa pagkuha kay Josaphat na mamatay kapalit niya.

“31 At nangyari, nang makita ng mga punong kawal ng mga karo ni Josaphat, na kanilang sinabi, Siyang hari sa Israel. Kaya’t sila’y nagsiligid upang magsilaban sa kaniya: nguni’t si Josaphat ay humiyaw, at tinulungan siya ng Panginoon; at kinilos sila ng Dios na humiwalay sa kaniya. 32 At nangyari nang makita ng mga pinunong kawal ng mga karo na hindi siyang hari sa Israel, na sila’y nagsihiwalay ng paghahabol sa

kaniya.” (2 Cronica 18:31-32 KJV) Ngayon dito ipinahintulot ng Panginoon na mangyari iyon kay Josaphat upang ipakita sa kanya na ang ginawa niya sa pagkakaroon ng ugnayan kay Achab ay mali at mapanganib sa kanyang buhay sa gayo’y magsisi siya. Hindi sinadya ng Dios na patayin siya sa labanang ito kundi matuto siya ng isang aral. Talagang natakot siya sa mga humahabol sa kanya upang labanan siya. Si Josaphat na para bang hindi niya alam ang tungkol sa tunay na kasamaan ni Achab, kaya malinaw na ipinakita sa kanya ng Panginoon. Ngunit nang siya ay sumigaw sa Dios, tinulungan siya ng Panginoon at inilipat sila ng Panginoon palayo sa Kanya. Pinahalata rin sa kanila ng Panginoon na hindi siya ang hinahanap nila. **Maaaring gawin din ito ng Panginoon sa inyo tulad ng ginawa niya kay Josaphat upang magising kayo mula sa inyong katigasan ng ulo, upang mapagtanto at magsisi.**

“33 At inihilagpos ng isang lalake ang kaniyang pana sa isang pagbabakasakali, at tinamaan ang hari sa Israel, sa pagitan ng mga pagkakasugpong ng sakbat kaya’t sinabi niya sa nagpapatakbo ng karo, Ipihit mo ang iyong kamay, at ihiwalay mo ako sa hukbo; sapagka’t ako’y nasugatan ng mabigat.” (2 Cronica 18:33 KJV) Tinupad dito ng Panginoon ang Kanyang Salita kahit ikinubli si Achab ang kanyang sarili mula sa kaaway, ngunit hindi niya maiikubli ang kanyang sarili mula sa Dios. **Ang mga tumatanggi sa Salita ng Dios at sa kalooban ng Dios, ang Panginoon ang kanilang kaaway.** Hindi namamalayan ni Achab na sa pamamagitan ng kanyang kasamaan ay ginawa niyang kaaway ang Dios, at ang pana na pumanang iyon mula sa Dios ay upang ipakita na ang Dios ay maaaring abutin ang masasamang tao at harapin sila saanman sila naroroon at anuman ang kanilang gawin upang itago ang kanilang sarili upang matupad ang Kanyang Salita, na si Achab ay mamatay, **“34 At ang pagbabaka ay lumala nang araw na yaon; gayon ma’y ang hari sa Israel ay nanatili sa kaniyang karo laban sa mga taga Siria hanggang sa kinahapunan: at sa may paglubog ng araw ay namatay siya.” (2 Cronica 18:34 KJV)** at ang hukbo ay nangakalat gaya ng tupa na walang pastol. Matapos mapinsala si Achab ay lumala ang labanan sa araw na iyon at nasaksihan niya kung paano natupad ng Dios ang Kanyang Salita na Kanyang sinabi sa pamamagitan ni Micheas. Pinatunayan niyang hangal siya nang tumanggi siyang pakinggan ang payo ni Micheas at tanggihan ang kanyang payo, **“20 Makinig ka ng payo, at tumanggap ka ng turo, upang ikaw ay maging pantas sa iyong huling wakas.” (Kawikaan 19:20 KJV)**

“1 At si Josaphat na hari sa Juda ay umuwing payapa sa kaniyang bahay sa Jerusalem. 2 At si Jehu na anak ni Hanani na taqakita ay lumabas sa sinalubong siya, at sinabi sa haring Josaphat: Tutulungan mo ba ang mga masama at mamahalin yaong mga napopoot sa Panginoon? dahil sa bagay na ito ay kapootan ang sasaio na mula sa harap ng PANGINOON. 3 Gayon ma’y may mabuting mga bagay na nasumpungan sa iyo, sa iyong pagaalis ng mga Asera sa lupain, at inilagag mo ang iyong puso upang hanapin ang Dios.” (2 Cronica 19:1-3 KJV) Ipinahintulot ng Dios kay Josaphat na bumalik sa kanyang tahanan nang ligtas at doon ipinadala Niya ang tagapagkita na si Jehu na anak ni Hanani upang sawayin siya para sa maling ginawa niya sa pagtulong sa hindi makadios at pagmamahal sa mga ito, gaya ni Achab at ang kanyang mga kasamahan, na namumuhi sa Panginoon. Ipinahayag niya sa kanya na ang poot ng Dios ay darating sa kanya mula sa araw na ito hanggang sa susunod dahil sa ginawa niya. Pati na rin ipinahayag niya sa kanya ang mabuti sa kanya na inalis niya ang mga kakahuyan mula sa Juda, na inalis niya ang mga bagay na ayaw ng Dios na sambahin nila ang mga dios-diosan at masasamang tao, at inihanda niya ang kanyang puso upang hanapin ang Panginoon. **Bilang mga pinuno ng simbahan kailangan nating gawin at kumilos tulad ni Jehu na anak ni Hanani kapag napansin natin ang mga tao na kumilos na parang si Josaphat at nakipagsiksikan sa mga di mananampalataya at nagsisimulang tulungan ang masasama at ang mga napopoot sa Panginoon, kailangan nating sawayin sila, itama sila, upang sila ay magsisi at maging maayos sa pananampalataya.**

Sa aking mahal at minamahal: * Paano ka na ngayon Matibay ka pa rin ba at matigas ang ulo at ayaw magbago ng isip Kung ikaw ay ganoon sa gayon siguraduhin na ikaw ay ilalagay sa malaking problema tulad ng nangyari kay Achab at sa mga Israelita. Magpakumbaba ka at magsisi at tumalikod sa iyong masasamang gawain at tanggapin ang pagsaway, ang payo at pagwawasto upang ikaw ay maligtas. * Lumabas sa maling mga tao at lumayo sa masasamang tao para hindi mo maharap ang mga problema nila tulad ng nangyari kay Josaphat.

Manalangin tayo.

Ang aking panalangin: Amang Dios Ako ay lumalapit sa iyo sa pangalan ni Jesus na namatay sa krus para sa aking mga kasalanan upang bigyan ako ng buhay na walang hanggan. Panginoon salamat para sa iyong Salita na ipinakita sa akin nang maliwanag na Kailangan kong umalis mula sa gitna ng maling pangkat at bumalik sa iyo at sa iyong simbahan.

Ipahayag ang iyong mga kasalanan at talikdan ang mga ito. Ipahayag at talikdan ang iyong katigasan ng ulo, pagmamalaki, at ang pagkaalipin sa masamang tao, paggawa ng iyong sariling kagustuhan, pagiging malaya at hindi handang magpakumbaba at lumapit at humingi ng payo at payo sa simbahan at sa mga pinuno ng simbahan. Iwaksi ang lahat ng iyong kasinungalingan, pagpapapuri, kompromiso, at paglabag sa Salita ng Dios upang mapasaya ang mga tao. Magsisi sa pakikisama sa mga di mananampalataya at paghingi ng mga

payo sa kanila. Panginoon inaamin ko at tinatanggihan ang mga sumusunod na kasalanan _____. Panginoon inaamin ko at tinatanggihan ang mga sumusunod maling pagkakaibigan at relasyon _____. Panginoon ako ay bumabalik sa iyo at sa iyong simbahan, Panginoon patawarin mo ako sa aking mga kasalanan, nagsisisi ako mula sa lahat ng ito.

Panginoon ipinagkakaloob ko ang aking sarili sa mga alituntunin na natutunan ko mula sa mensaheng ito. Panginoon ipinangako ko ang aking sarili na hindi ako makikisama sa mga kaibigan na hindi nakakakilala sa Dios at sa mga si mananampalataya. Panginoon Ipinangako ko ang aking sarili na ituro ang laban sa pag aasawa sa di mananampalataya at sa mga walang takot sa Dios. Panginoon tulungan mo akong patuloy na dumaan sa makipot na daan at makipot na pintuan, Panginoon protektahan mo ako mula sa masasamang gumagawa at ibigay ang lahat ng aking pangangailangan. Panginoon hinihiling ko po sa iyo na tulungan mo akong magkaroon ng tamang pasya sa bagay na ito _____.

Panginoon salamat po sa lahat ng mga kapatid ko na nagsisi sa kanilang mga kasalanan at nagpakumbaba at bumalik sa iyo at sa iyong simbahan. Panginoon maawa kayo sa kanila; ibalik sa kanila ang lahat ng kanilang mga pagkawala, bigyan sila ng katalinuhan sa direksyon, bigyan sila ng lakas at patnubayan kami upang turuan sila at tulungan silang bumalik sa paraan na kailangan nilang tanggapin upang magpatuloy na mamuhay para sa iyo at maglingkod sa iyo. Panginoon tulungan mong gabayan sila na gawin ang tamang pasya na kailangan nilang gawin sa kanilang buhay.

Panginoon, dalangin ko para sa amin bilang isang simbahan na tulungan kami, protektahan, at maglaan para sa amin upang magpatuloy sa paglilingkod sa iyo at gawin ang iyong gawain at iyong kalooban. Panginoon patnubayan kam na payuhan ang iyong bayan sa iyong kalooban at ibalik sila sa paraang itinakda mo para madaanan nila. Panginoon bigyan mo kami ng bunga ng Banal na Espiritu, pag ibig, kagalakan, kapayapaan, pagpapakumbaba, pagpipigil sa sarili, pagtitiis, pagtitiyaga, mahabang pagtitiis, pananampalataya at katapatan upang magpatuloy at maglingkod sa iyo sa mas mahusay na paraan na sumasalamain sa pagkatao ni Jesus sa aming buhay sa pagtulong sa iba na nasa mga problema na nangangailangan ng aming mga kamay, pagsisikap, tulong at panalangin, at manindigan na magsabi ng totoo sa mga sumasalungat sa amin at umuusig sa amin. Panginoon puspusin kaming muli ng Banal na Espiritu at bigyan kami ng mga espirituwal na kaloob na kailangan namin sa ating buhay upang magpatuloy at maglingkod sa iyo, mag ebanghelyo, gumawa ng mga bagong disipulo, magsanay ng mga bagong manggagawa, at magtanim ng mga bagong pag aaral sa Bibliya at mga kongregasyon para sa simbahan at upang maabot ang mga bagong tao at bagong lugar.

Panginoon pagpalain kami, palawakin ang aming lupain, sumain nawa ang iyong kamay at ilayo kami sa kapahamakan upang hindi namin madama ang sakit. Nawa ang biyaya ng Panginoong Jesus at ang pagibig ng Dios at ang pakikipagpisan ng Banal na Espiritu ay sumaating lahat sa pangalan ni Jesus, Amen.

Paano Gumawa ng Tamang Pagpapasya Yugto 8. 2 Cronica 18:1-34, Kawikaan 13:20, Isaia 30:10, Kawikaan 15:22. Kawikaan 19:20. 2 Cronica 19:1-3.

Dr. Ramiz Khalaf
Ang Tagapamahala ng Simbahan
Simbahan ng Diyos
United Arab Emirates
Email: thebread1@gmail.com
Mobile Tel.#: 00971551902647

Tandaan: Ang Tinapay ng buhay ay lingguhang paghahayag mula sa Simbahan ng Diyos, United Arab Emirates. Sa karagadagang usapin at higit sa espirtual na pagpapalago maari mo kami bisitahin sa aming website sa: www.churchofgoduae.com

Ibahagi mo ito sa iyong mga kaibigan.

Nakikiusap ako na ibahagi mo sa amin ang iyong saloobin tungkol sa mensahe at

kung mayroon kang katanungan.

Kung mayroon kang kahilingan na panalagin, maari mong ipadala sa numero ng whatsapp: 00971551902647, o sa email na ito: thebread1@gmail.com.

Pakipadala ng iyong ikasapung bahagi, iyong unang bunga at iba ibang handog sa simbahan sa account na ito:

Pangalan ng Banko:
First Abu Dhabi Bank (FAB)
ACCOUNT NAME:
RAMIZ BAHNAM ABBO KHALAF
ACCOUNT NO:
1576003753162014
IBAN:
AE3803151576003753162014
SWIFT CODE:
NBADAEACPU

O tawagan ako sa whatsapp numerong ito: 00971551902647 o sa email na ito: thebread1@gmail.com

Kung kailangan mo ng payo sa bahagi ng iyong buhay, kung ito'y tungkol sa pamilya, mga anak at pinansyal, malaya kayo makipagugnayan sa akin sa whatsapp na numerous: 00971551902647 o sa email na ito: thebread1@gmail.com